

寂寞的诗

1.
背灯和月就花阴，已是十年踪迹十年心。——纳兰性德《虞美人·银床淅沥青梧老》
- 2.断尽愁肠谁会得？哀燕声声。——王鹏运《浪淘沙》
- 3.人世事，几完缺。——吴伟业《贺新郎》
4.
深阁帘垂绣。记家人、软语灯边，笑涡红透。万叠城头哀怨角，吹落霜花满袖。影厮伴、东奔西走。望断乡关知何处，羡寒鸦、到著黄昏后。一点点，归杨柳。相看只有山如旧。叹浮云、本是无心，也成苍狗。明日枯荷包冷饭，又过前头小阜。趁未发、且尝村酒。醉探枵囊毛锥在，问邻翁。要写牛经否。翁不应，但摇手。——蒋捷《贺新郎·兵后寓吴》
5.
举眼风光长寂寞，满朝官职独蹉跎。——白居易《醉赠刘二十八使君》
6.
一生一代一双人，争教两处销魂。相思相望不相亲，天为谁春？浆向蓝桥易乞，药成碧海难奔。若容相访饮牛津，相对忘贫。——纳兰容若《画堂春》
7.
空惆怅，相见无由。从今后，断魂千里，夜夜岳阳楼。——徐君宝妻《满庭芳》

8.
寂寞深闺，柔肠一寸愁千缕。惜春春去。几点催花雨。——李清照《点绛唇·闺思》

9.翠尊易泣，红萼无言耿相忆。——姜夔《暗香》

10.
无限居人送独醒，可怜寂寞到长亭。——柳宗元《离觞不醉，至驿却寄相送诸公》

11.
登临送目，正故国晚秋，天气初肃。千里澄江似练，翠峰如簇。归帆去棹残阳里，背西风，酒旗斜矗。彩舟云淡，星河鹭起，画图难足。念往昔，繁华竞逐，叹门外楼头，悲恨相续。千古凭高对此，谩嗟荣辱。六朝旧事随流水，但寒烟衰草凝绿。至今商女，时时犹唱，后庭遗曲。——《桂枝香·金陵怀古》

12.
自叹何为者，谋生事事艰。才庸心力苦，忧极鬓毛班。天下兵方息，人中我独闲。遗经倘终抱，已分老空山。——王祎《自叹》

13.
美人兮美人，不知为暮雨兮为朝云。相思一夜梅花发，忽到窗前疑是君。——卢仝《有所思》

14.宽尽春来金缕衣，憔悴有谁知。——魏夫人《武林春》

15.
恶杀常根食，安贫但縑袍。消摇敢言达，简默本非高。入剡逢飞雪，游吴看怒涛。平生笑渔父，苦语劝餽糟。——陆游《自叹》

16.
晚堂疏雨暗柴门，忽入残荷泻石盆。万里沧江生白发，几人灯火坐黄昏？客途最觉秋先到，荒径惟怜菊尚存。却忆故园耕钓处，短蓑长笛下江

村。——王阳明《因雨和杜韵》

17.

春光欲暮，寂寞闲庭户。粉蝶双双穿槛舞，帘卷晚天疏雨。——毛熙震《清平乐》

18.心似双丝网，中有千千结。——张先《千秋岁·数声鶗鴂》

19.

南村群童欺我老无力，忍能对面为盗贼，公然抱茅入竹去。——杜甫《茅屋为秋风所破歌》

20.

那能寂寞芳菲节，欲话生平。夜已三更。一阕悲歌泪暗零。——纳兰性德《采桑子》

21.

路迢迢，水迢迢，功名尽在长安道，今日少年明日老。——陈草庵《山坡羊》

22.

悄郊原带郭，行路永，客去车尘漠漠。斜阳映山落，敛馀红、犹恋孤城阑角。凌波步弱，过短亭、何用素约。有流莺劝我，重解绣鞍，缓引春酌。不记归时早暮，上马谁扶，醒眠朱阁。惊飙动幕，扶残醉，绕红药。叹西园、已是花深无地，东风何事又恶？任流光过却，犹喜洞天自乐。——周邦彦《瑞鹤仙·悄郊原带郭》

23.

才始送春归，又送君归去。若到江南赶上春，千万留春住。——王观《卜算子》

24.不如意事常八九，可与语人无二三。——方岳《别子才司令》

25.

秋庭昼无人，落叶自满地。端居观物化，人生亦如寄。朝闻鸣蝉悲，夕已见其蜕。岁晏共萧条，临风发长喟。——邓或之《落叶》

26.欲黄昏，雨打梨花深闭门。——李重元《忆王孙》

27.倦旅天涯，依然憔悴行吟。——吕碧城《高阳台》

28.

帘外雨潺潺，春意阑珊。罗衾不耐五更寒。梦里不知身是客，一晌贪欢。独自莫凭栏，无限江山，别时容易见时难。流水落花春去也，天上人间。——李煜《浪淘沙令·帘外雨潺潺》

29.

云母屏风烛影深，长河渐落晓星沉。嫦娥应悔偷灵药，碧海青天夜夜心。——李商隐《嫦娥》

30.

一别都门三改火，天涯踏尽红尘。依然一笑作春温。无波真古井，有节是秋筠。惆怅孤帆连夜发，送行淡月微云。尊前不用翠眉颦。人生如逆旅，我亦是行人。——苏轼《临江仙·送钱穆父》

31.

望君烟水阔，挥手泪沾巾。飞鸟没何处，青山空向人。长江一帆远，落日五湖春。谁见汀洲上，相思愁白蘋。——刘长卿《饯别王十一南游》

32.

壮士拂剑，浩然弥哀。萧萧落叶，漏雨苍苔。——司空图《诗品二十四则·悲慨》

33.

我本将心向明月，奈何明月照沟渠，落花有意随流水，流水无心恋落花。——高明《琵琶记》

34.

明时不敢卧烟霞，又见秦城换物华。残雪未销双凤阙，新春已发五侯家。甘贫只拟长絺酒，忍病犹期强采花。故国别来桑柘尽，十年兵践海西槎。——张蠙《长安春望》

35.若教眼底无离恨，不信人间有白头。——辛弃疾《鹧鸪天》

36.

莫恨雕笼翠羽残，江南地暖陇西寒。劝君不用分明语，语得分明出转难。——罗隐《鹦鹉》

37.

城上风光莺语乱，城下烟波春拍岸。绿杨芳草几时休，泪眼愁肠先已断。情怀渐变成衰晚，鸾镜朱颜惊暗换。昔时多病厌芳尊，今日芳尊惟恐浅。——钱惟演《玉楼春》

38.

世事一场大梦，人生几度秋凉。夜来风叶已鸣廊，看取眉头鬓上。酒贱常愁客少，月明多被云妨。中秋谁与共孤光，把盏凄然北望。——苏轼《西江月·世事一场大梦》

39.

钟情怕到相思路，盼长堤，草尽红心。动愁吟，碧落黄泉，两处谁寻。——朱彝尊《高阳台》

40.

明月如霜，好风如水，清景无限。曲港跳鱼，圆荷泻露，寂寞无人见。——苏轼《永遇乐·彭城夜宿燕子楼》

41.摇落事，向空山，休问杜鹃。——朱祖谋《声声慢》

42.

劝君今夜须沉醉，尊前莫话明朝事。珍重主人心，酒深情亦深。须愁春漏短，莫诉金杯满。遇酒且呵呵，人生能几何。——韦庄《菩萨蛮·劝君今夜须沉醉》

43.

泪咽却无声，只向从前悔薄情。凭仗丹青重省识，盈盈，一片伤心画不成。别语忒分明，午夜鹧鸪梦早醒。卿自早醒侬自梦，更更，泣尽风檐夜雨铃。——纳兰性德《南乡子·为亡妇题照》

44.也信美人终作土，不堪幽梦太匆匆。——陆游《春游》

45.

小雨纤纤风细细，万家杨柳青烟里。恋树湿花飞不起，愁无比，和春付与东流水。九十光阴能有几？金龟解尽留无计。寄语东阳沽酒市，拼一醉，而今乐事他年泪。——朱服《渔家傲·小雨纤纤风细细》

46.

毕竟西湖六月中，风光不与四时同。接天莲叶无穷碧，映日荷花别样红。——杨万里《晓出净慈寺送林子方》

47.

弹铗西来路。记匆匆、经行十日，几番风雨。梦里寻秋秋不见，秋在平芜远树。雁信落、家山何处？万里西风吹客鬓，把菱花、自笑人如许。留不住、少年去。男儿事业无凭据。记当年、悲歌击楫，酒酣箕踞。腰下光芒三尺剑，时解挑灯夜语。谁更识、此时情绪？唤起杜陵风月手，写江东渭北相思句。歌此恨，慰羁旅。——刘过《贺新郎·弹铗西来路》

48.澹澹轻烟，溶溶院落，月在梨花。——顾春《早春怨》

49.

晨星朋辈鬓皤皤，回首前尘一刹那。试看儿童都长大，始知人世阅来多。——郑用锡《自叹》

50.

紫箫吹散后，恨燕子、只空楼。念璧月长亏，玉簪中断，覆水难收。青鸾送碧云句，道霞扃雾锁不堪忧。情与文梭共织，怨随宫叶同流。人间天上两悠悠。暗泪洒灯篝。记谷口园林，当时驿舍，梦里曾游。银屏低

闻笑语，但醉时冉冉醒时愁。拟把菱花一半，试寻高价皇州。——张孝祥《木兰花慢·紫箫吹散後》

本文链接：<https://duanjuziku.com/duanjuzi/bw0yt1h6d1.html>